

De Kapper :

Mien kapper, zelf zo glad as een biljartballe, zat met zien annen in mien öör. IJ ad een probleempien! En angezien ik liever niet in problemen denke maer naor oplössings wil zuken, wier ik der weer met op-ezadeld.

Wat is namelijk 't geval? . . . IJ ef de ni'jöörskarte die van ID-atelier ofkwamp an een aoverenthousiaste klante met-egöven.

En angezien die kärten in de loop der jören een verzamelobject bint ewörren, ze wörren op speciaal verzuuk al töt verre aover de grenzen van verbeelding (deur-)erstuurd töt Canada/America an toe, balen mien kapper wel dät ij em now kwiet is en vreug mi'j of ik der nog iene aoverad.

En zo'n iene nuumt mi'j altied een Falderappe ?

Maer now is ij veur mi'j . . . Een karte e-k niet meer, maer een ofdruk met een stukken Zwols kan e kriegen!

Allenig wört dit veraeltien gelieke deur-estuurd naor de andere Zwolslèzers.



A-j een eigenwieze Zwollenaer in de lessel gooit,
drèf ij van närigheid naor Dèventer toe !

Ook al raken mien and dit jöör wat ongelukkig ekapt,
en e-k 't wärk zes maonden stille mutten leggen,
ik konne 't toch niet laoten en eb em dus weer an-etrappt,
wat za-k döör vänders meer van mutten zeggen ?

As deur de Ni'je Wetering een stuk old an kump drieven,
zette ik mi'jzelf nog èven niet butenspel,
ik grepe de meerpaole en sleppen die op de kante,
döör een stao-taofel van maken .. dät lukken nog wel.
Der kan ik mooi tegen leunen as 't wärk is edaon.

Görendögien W.